

四庫全書

子部

欽定四庫全書

薛氏醫案卷十二

明薛已撰

正體類要下

方藥

四君子湯 治脾胃虛弱或因尅伐腫痛不散或潰而不斂或飲食少思或欲作嘔大便不實等症

人參 白朮

茯苓

各二錢

甘草

炙一錢

右作一劑薑棗水煎服

小柴胡湯 治一切撲傷等症因肝膽經火盛作痛出血自汗寒熱往來日晡發熱或潮熱身熱咳嗽發熱脇下作痛兩胠痞滿

柴胡

二錢

黃芩

一錢五分

半夏

一錢

人參

一錢

甘草

炙五分

右薑水煎服

神效葱熨法 治跌撲傷損用葱白細切杵爛炒熟敷患處如冷易之腫痛即止其效如神

八珍湯 治傷損等症失血過多或因尅伐血氣耗損
惡寒發熱煩躁作渴等症

人參 白朮 白茯苓 白芍藥 當歸

熟地黃

川芎

各一錢

甘草

炙五分

右薑棗水煎服

犀角地黄湯 治火盛血熱妄行或吐血衄不止大便下

血如因怒而致加山梔柴胡

犀角

鎊末

生地黃

白芍藥

黃芩

牡丹皮

黃連

各一錢
五分

右水煎熟傾於鍾內入犀末服之

十味參蘇飲 治氣逆血蘊上焦發熱氣促或咳血衄血

或痰嗽不止加黃芩山梔即加味參蘇飲

人參 紫蘇 半夏 茯苓 陳皮 桔梗

前胡 葛根

枳殼

各一錢

甘草

灸五分

右薑水煎服

二味參蘇飲 治出血過多瘀血入肺面黑喘促

人參一兩蘇木二兩

右水煎服

四物湯 治一切血虛日晡發熱煩躁不安者皆宜服之

當歸

三錢

熟地黃

三錢

芍藥

二錢

川芎

一錢

五分

右水煎服加白朮茯苓柴胡丹皮即加味四物湯

桃仁承氣湯

加當歸即歸承湯

治傷損血滯於內作痛或發熱

發狂等症

桃仁 芒硝

甘草 各一錢

大黃 二錢

右水煎服大黃更量虛實

加味承氣湯

治瘀血內停胸腹脹痛或大便不通等

症

大黃

朴硝

各二錢

枳實

厚朴

各一錢

甘草

五分

當歸

紅花

各一錢

用酒水各一鍾煎至一鍾服仍量虛實加減病急不

用甘草

獨參湯 治一切失血與瘡瘍潰後氣血俱虛惡寒發熱作渴煩躁者宜用此藥補氣益血生於氣陽生陰長之理也用人參二兩棗十枚水煎服

歸脾湯 治跌撲等症氣血傷損或思慮傷脾血虛火動寤而不寐或心脾作痛怠惰嗜臥怔忡驚悸自汗盜汗大便不調或血上下妄行其功甚捷

白朮 白茯苓 黃芪炒 當歸 龍眼肉

酸棗仁炒 遠志各一錢 木香五分 甘草一分 人參一分

右薑棗水煎服加柴胡山梔即加味歸脾湯

潤腸丸 治跌撲等症或脾胃伏火大腸乾燥或風熱

血結等症

麻子仁一兩羌活 當歸尾 大黃煨 皂角刺

秦艽各五錢 桃仁一兩去皮尖研

右為末煉蜜丸桐子大豬膽汁丸尤妙每服三五十丸食前白滾湯送下凡怯弱人先用豬膽導之不通

宜補氣血

當歸補血湯 治杖瘡金瘡等症血氣損傷肌熱大渴

引飲目赤面紅晝夜不眠其脉洪大而虛重按全無
此病多得於飢渴勞役者若悞服白虎湯必死

黃芪

炙一兩

當歸

二錢酒製

右水煎服

聖愈湯 治杖瘡金瘡癰疽膿血出多熱躁不安或瞞

熱作渴等症

熟地黃

酒洗

生地黃

酒洗

川芎

人參

各一錢

當歸

酒洗

黃芩

各五分

右水煎服

十全大補湯

治杖瘡氣血俱虛腫痛不消腐而不潰

潰而不斂或惡寒發熱自汗盜汗飲食少思肢體倦
怠若怯弱之人患處青腫而肉不壞者服之自愈若
有瘀血砭刺早者服之自消或潰而膿水清稀肌肉
不生或口乾作渴而欲飲湯者尤宜服之

白茯苓

人參

當歸

白朮

黃芪

川芎

白芍藥

炒 熟地黃

生者
白製

甘草

灸各
一錢

肉桂

五
分

右薑棗水煎服

參附湯

治金瘡杖瘡失血過多或膿瘀大泄陽隨陰

走上氣喘急自汗盜汗氣短頭暈等症

人參

四錢 附子

炮去皮
臍三錢

右水煎服陽氣脫陷者倍用之

清胃散

治血傷火盛或胃經濕熱唇口腫痛牙齦潰

爛或發惡寒等症

生地黄

五分

升麻

一錢

牡丹皮

五分

黃連

五分

當歸

五分

酒洗

右水煎服如痛未止黃芩石膏大黃之類皆可量加

清燥湯

治跌撲瘡瘍血氣傷損或潰後氣血虛怯濕

熱乘之遍身酸軟或秋夏濕熱太甚肺經受傷絕寒

水生化之源腎無所養小便赤澀大便不調或腰腿

痿軟口乾作渴體重麻木或頭目眩暈飲食少思或

自汗體倦胸滿氣促或氣高而喘身熱而煩

黃芪

一錢五分

蒼朮

一錢

白朮

陳皮

澤瀉

各五分

五味子九粒 人參 白茯苓 升麻 麥門冬

當歸 生地黃 神麩炒 豬苓 酒栢各五分

柴胡 黃連 甘草各三分

右薑水煎服濕痰壅盛參芪歸地之類可暫減之

生脉散 治金瘡杖瘡等症發熱體倦氣短或汗多作

渴或潰後睡臥不寧陽氣下陷發熱煩躁若六七月

間濕熱大行火土合病令人脾胃虛弱身重氣短或

金為火制絕寒水化源肢體痿軟脚重眼黑並宜服

人參

五錢

五味子

一錢

麥門冬

右水煎服

二妙散

治下焦濕熱腫痛或流注遊走遍身疼痛

蒼朮

黃柏

各等分

右為末每服二三錢酒調服作丸亦可

四斤丸 治肝腎精血不足筋無所養攣縮不能步履或

邪淫於內筋骨痠軟

肉蓯蓉

酒浸

牛膝

酒洗

天麻

乾木瓜

鹿茸

灸

熟地

生者自製

兔絲子

酒浸
煮料

五味子

各等分

右為末用地黃膏九桐子大每服五七十九空心溫

酒送下

補中益氣湯

治跌撲等症損傷元氣或過服尅伐惡

寒發熱肢體倦怠血氣虛弱不能生肌收斂或兼飲
食勞倦頭痛身熱煩躁作渴脉洪大弦虛或微細軟
弱自汗倦怠飲食少思

黃芪

炙

人參

白朮

甘草

炙各一錢五分

當歸

一錢

陳皮

五分

柴胡

升麻

各三分

右薑棗水煎服

四生散

治腎臟風毒遍身瘙痒或膿水淋漓耳鳴目

癢或鼻赤齒浮口舌生瘡婦人血風瘡更効

白附子

獨活

黃芪

蒺藜

各等分

右為末各等分每服二錢用腰子一枚劈開入藥濕紙包裏煨熟細嚼鹽湯下酒服亦可

竹葉黃芪湯

治氣血虛胃火盛而作渴者

淡竹葉

二錢

黃芪

生地黃

麥門冬

當歸

川芎

甘草

黃芩

炒

石膏

煨

芍藥

人參

各一錢

右水煎服

竹葉石膏湯

治胃火盛而作渴者

淡竹葉

石膏

煨

桔梗

木通

薄荷

甘草

各一錢

右薑水煎服

人參平肺散

治心火尅肺咳嗽喘嘔痰涎壅盛咽喉

不利等症

人參 陳皮 甘草 各一錢 地骨皮 茯苓

知母 各八分 五味子 青皮 天門冬 桑白皮 各五分

分

右水煎服

滋腎丸 治腎經陰虛發熱作渴足熱腿膝無力等症
凡不渴而小便閉者最宜用之

肉桂 三錢 知母 酒炒 黃柏 酒炒各二兩

右為末水丸桐子大每服七八十九空心白滾湯下

六味地黃丸

加肉桂五味各一
兩名加減八味丸

治傷損之症因腎肺二

經虛弱發熱作渴頭暈眼花咽燥唇裂齒不堅固腰
腿痿軟小便頻赤自汗盜汗便血諸血失瘖水泛為
痰之聖藥血虛發熱之神劑若損重傷骨不能言如
瘖者用此水煎服之亦效

熟地黃

八兩斤
青白製

山茱萸肉

乾山藥

各四
兩

牡丹皮

白茯苓

澤瀉

各三
兩

右為末和地黃丸桐子大每服七八十九空心食前

滾湯下

清心蓮子飲 治發熱口渴白濁夜安寧而晝發熱等

症

黃芩

錢一

麥門冬

地骨皮

車前子

炒

甘草

各一錢半

石蓮肉

茯苓

黃芪

炒

柴胡

人參

各一錢

右水煎服

七味白朮散

治脾胃虛弱津液短少口乾作渴或中

風虛熱口舌生瘡不喜飲冷最宜服之

人參 白朮 木香 白茯苓 甘草 炙

藿香

各五分

乾葛

一錢

右水煎服

黑丸子

一名和血定痛丸

治跌撲墜墮筋骨疼痛或瘀血壅腫

或風寒肢體作痛若流注膝風初結服之自消若潰而膿清發熱與補氣血藥兼服自斂

百草霜

一兩

白芍藥

一兩

川烏

炮三錢

赤小豆

一兩六錢

白薤

一兩六錢

白芨

當歸

各八錢

南星

泡三錢

牛膝

焙六錢

骨碎補

焙八錢

右各另為末酒糊丸桐子大每服三十九鹽湯溫酒

送下孕婦不可服

白丸子 治一切風痰壅盛手足頑麻或牙關緊急口

眼歪斜半身不遂等症

半夏

七兩
生用

南星

二兩
生用

川烏

去皮臍生
用五錢

右為末用生薑汁調糊丸桐子大每服一二十九薑

湯送下

六君子湯 治金瘡杖瘡等症因元氣虛弱腫痛不消
或不潰斂或服尅伐傷脾或不思飲食宜服之以壯
營氣此方即四君子湯加陳皮白朮更加香附藿香
砂仁香砂六君子

迴陽玉龍膏 治跌撲所傷為敷涼藥或人元氣虛寒
腫不消散或不潰斂及癰腫堅硬肉色不變久而不
潰潰而不斂或筋攣骨痛一切冷症並効

草烏

錢二

南星

煨一兩

軍薑

炒一兩

白芷

兩

肉桂

錢五

赤芍藥

炒 一兩

右為末葱湯調塗熱酒亦可

復原活血湯 治跌撲等症瘀血停凝脇腹作痛甚者

大便不通

柴胡 當歸

紅花 各二錢

穿山甲

炮五分

大黃

酒炒一錢

桃仁

二十枚

甘草

五分

瓜蒌根

一錢

右酒水各半煎服

復原通氣散 治打撲傷損作痛及乳癰便毒初起或

氣滯作痛

木香 茴香

炒 青皮

去白 穿山甲

酥炙

陳皮

白芷 甘草

漏蘆

貝母

各等分

右為末每服一二錢溫酒調下

愚按前方治打撲閃錯或惱怒氣滯血凝作痛之良劑經云形傷作痛氣傷作腫又云先腫而後痛者形傷氣也先痛而後腫者氣傷形也若人元氣素弱或因叫號血氣損傷或過服尅伐之劑或外敷寒涼之

藥血氣凝結者當審前症大法用溫補氣血為善

神效太乙膏 治癰疽發背杖瘡及一切瘡疽潰爛

玄參 白芷 當歸 肉桂 赤芍藥

大黃 生地黄

各一兩

右用麻油二觔入銅鍋內煎至藥黑濾去粗徐入淨

黃丹十二兩再煎滴水中捻軟硬得中即成膏矣

乳香定痛散 治杖瘡金瘡及一切瘡瘍潰爛疼痛

沒藥 乳香

各五錢

滑石

一兩

寒水石

一兩

冰片

一錢

右為末搽患處痛即止甚效

猪蹄湯 治一切癰疽杖瘡潰爛消腫毒去惡肉

白芷 當歸 羌活 赤芍藥 露蜂房

蜂兒多者佳

生甘草

各五錢

右用猪蹄一隻水五碗煮熟取清湯入前藥煎數沸去粗溫洗隨用膏藥貼之

神效當歸膏 治杖撲湯火瘡毒不問已潰未潰肉雖傷而未壞者用之自愈肉已死而用之自潰新肉易

生搽至肉色漸白其毒始盡生肌最速如棍杖者外皮不破內肉糜爛其外皮因內焮乾縮堅硬不潰爬連好肉作痛故俗云丁痂皮致膿瘀無從而泄內愈脹痛腐潰益深往往不待其潰就行割去而瘡口開張難以潰斂怯弱之人多成破傷風症每致不救若杖瘡內有瘀血者即用有鋒芒磁片於患處砭去塗以此藥則丁痂自結死肉自潰膿穢自出所潰亦淺生肌之際亦不結痂又免皺揭之痛殊有神效蓋當

歸地黃麻油二蠟主生肌止痛補血續筋與新肉相
宜此方余已刊行治者亦多用之

當歸一兩 麻油六兩 黃蠟一兩 生地黄一兩

右先將當歸地黃入油煎黑去粗入蠟溶化候冷攪
勻即成膏矣白蠟尤妙

托裏散 治金瘡杖瘡及一切瘡毒因氣血虛不能成
膿或膿成不能潰斂膿水清稀久而不瘥

人參

一錢 氣虛
多用之

白朮

炒七
分

黃芪

益水拌
炒一錢

陳皮

七
分

當歸身

酒

炒芍藥

酒

炒熟地

生者自製

白茯苓

各一錢

右水煎服

加味芎歸湯

治跌撲墜墮皮膚不破瘀血入胃作嘔

芎藭

當歸

百合

水浸半日

白芍藥

荆芥穗

各二錢

右酒水煎服

當歸導滯散

治跌撲瘀血在內胸腹脹滿或大便不

通或喘咳吐血

大黃

當歸

各等分

右為末每服三錢溫酒下氣虛須加桂

花蕊石散

治打撲傷損腹中瘀血脹痛欲死服之血

化為水其功不能盡述

硫黃

明色者
四兩

花蕊石

一兩

右為末和勻先用紙筋和鹽泥固濟瓦罐一個候乾
入藥再用泥封口安在磚上虛書八卦五行用炭三
十觔煨之罐冷取出每服一錢童便調下

愚按前方若被傷熾盛元氣虧損內有瘀血不勝疎

導者用前藥一服其血內化又不動臟腑甚妙甚妙

經驗方 治跌撲瘀血作痛或筋骨疼痛

黃栢一兩半夏五錢

右為末用薑汁調塗患處以紙貼之加乾薑汁潤之

周日易之

消毒定痛散 治跌撲腫痛

無名異炒木耳炒大黃炒各五分

右為末蜜水調塗如內有瘀血砭去敷之若腐處更

用當歸膏敷之尤好

藥蛆方 治杖瘡潰爛生蛆用皂礬燂過為末乾摻其
內蛆即死如未應佐以柴胡梔子散以清肝火

洗藥 凡傷重者用此淋洗然後傳藥

荆芥 土當歸

生葱

切斷一方
用生薑

右煎湯溫洗或止用葱一味煎洗亦可

黑龍散 治跌撲傷損筋骨碎斷先用前湯淋洗以紙

攤貼若骨折更以薄木片夾貼以小繩束三日再如

前法勿去夾板恐搖動患處至骨堅牢方宜去若被
刀箭蟲傷成瘡並用薑汁和水調貼口以風流散填

塗

土當歸

二兩

丁香皮

六兩

百草霜

散血入
六兩

穿山甲

六兩炒黃
或煨存性

枇杷葉

去毛入半兩一
云山枇杷根

右焙為細末薑汁水調或研地黃汁調亦好

至寶丹一名濟陰丹

治傷損焮痛并接斷

天花粉

三兩

薑黃

白芷

赤芍藥

各一兩

右為末茶湯調搽患處

治金傷出血不止用牛膽石灰摻之即止以臘月牛膽
入風化石灰懸當空候乾用

又方金瘡出血不止以五倍子生為末乾貼如不止屬
血熱宜用犀角地黃湯之類大凡金瘡出血不止若
素怯弱者當補氣若素有熱當補血若因怒氣當平
肝若煩熱作渴昏憤當補脾氣若筋攣搐搦當養肝
血不應用地黃丸以滋腎水

又方皮破筋斷者以百膠香塗之或以金沸草汁頻塗
自然相續

沒藥降聖丹 治傷損筋骨疼痛或不能屈伸肩背拘
急身體倦怠四肢無力

沒藥

別研

當歸

酒洗炒

白芍藥

生地黄

骨碎補

搗去

毛

川烏

去毛臍池

川芎

各一兩五錢

自然銅

火煨醋淬十二次研為末水飛

過焙

一兩

右為細末每一兩作四丸以生薑自然汁與煉蜜為

九每服一丸搥碎用水酒各半鍾入蘇木少許煎至
八分去蘇木空心服

愚按脾主肉肝主筋若因肝脾二經氣血虛弱或血
虛有熱而不愈者當求其本而治之

萬金膏 治癰疽及墜撲傷損或筋骨疼痛

龍骨 鼈甲 苦參 烏賊魚骨 黃栢 黃芩

黃連 猪牙皂角 白芨 白薇 厚朴

木鼈子仁 草烏 川芎 當歸 白芷 各一兩

沒藥

另研半兩

乳香

另研半兩

清油

四斤

黃丹

一斤半炒過淨

槐枝

柳枝

各四寸長二十一條

右除乳沒黃丹外諸藥入油內煎至黑色去之稱淨油每斤入丹半斤不住手攪令黑色滴水中不粘手下乳沒再攪如硬入油些少以不粘手為度

接骨散 治骨折碎或骨出髓先整端正却服此藥如飛禽六畜所傷亦能治

鵬砂

一錢五分

水粉

當歸

各一錢

右為末每服二錢煎蘇木湯調服後但飲蘇木湯立
効

本事接骨丸 治打折傷損

接骨木

半兩即
蒴藋也

乳香

半兩

赤芍藥

當歸

川芎

自然銅

各一
兩

右為末用黃蠟四兩熔入前末攪勻象手丸龍眼大
如打傷筋骨及閃痛不堪忍者用一九熱酒浸開熱
叩痛便止若大段傷損先整骨用川烏草烏等分為

末生薑汁調貼之挾定服藥無不效者

愚按前三方俱效驗者備錄之以便修用

沒藥丸 治打撲筋骨疼痛或氣逆血暈或瘀血內停

肚腹作痛或胸膈脹悶

沒藥 乳香 川芎 川椒 芍藥 當歸

紅花 桃仁

血竭

各一兩

自然銅

四錢火
煅七次

右為末用黃蠟四兩熔化入前末速攪勻丸彈子大

每服一丸酒化服

愚按接骨散沒藥丸元氣無虧者宜用若腎氣素怯
或高年腎氣虛弱者必用地黃丸補中益氣湯以固
其本為善

羌活防風湯 治破傷風邪初在表者急服此藥以解
之稍遲則邪入於裏與藥不相合矣

羌活 防風 甘草 川芎 藁本 當歸

芍藥 各四兩 地榆 各二兩 細辛

右每服五錢水煎

防風湯 治破傷風表症未傳入裏急宜服之

防風 羌活 獨活 川芎

各等分

右每服五錢水煎調蜈蚣散服大效

蜈蚣散

蜈蚣 一 鱖 三

對錢

右為細末用防風湯調下

羌活湯 治破傷風在半表半裏急服此湯稍緩邪入

於裏不宜用

羌活 菊花 麻黃 川芎 石膏 防風

前胡 黃芩 細辛 甘草 白茯苓 蔓荊子

枳殼 各一兩 薄荷 白芷 各五錢

右每服五錢水煎

地榆防風散 治風在半表裏頭微汗身無汗不可發

汗兼治表裏

地榆 防風 地丁香 馬齒莧 各等分

右為細末每服三錢米湯調服

大芎黃湯 治風在裏宜疎導急服此湯

川芎 羌活 黃芩 大黃

各一兩

右五七錢水煎溫服臟腑通和為度

白朮防風湯 治服表藥過多自汗者

白朮 黃芪 防風

各一兩 二兩

右每服五七錢水煎服臟腑和而自汗者可服若臟腑秘小便赤者宜用大芎黃湯下之

白朮湯 治破傷風汗不止筋攣搐搦

白朮 葛根 升麻 黃芩 芍藥 各二錢
甘草 五分

右每服五錢水煎無時服

謙甫硃砂丸 治破傷風目瞪口噤不語手足搐搦項

筋強直不能轉側目不識人

硃砂 研 半夏 洗 川烏 各一兩
雄黃 五錢 鳳凰臺 三錢

麝香 一字

右為末棗肉丸桐子大每服一九或二九冷水下以吐為度如不吐加一九或吐不住煎葱白湯止之汗

出為效

左龍丸 治直視在裏者

左盤龍

野鶴
真也

白殭蠶

鰾

各炒
五錢

雄黃

一錢

右為末燒飯丸桐子大每服十五丸溫酒下如裏証
不已當用前藥末一半加巴豆霜半錢燒飯丸桐子
大每服加入一九如此漸加以利為度利後服和解

藥

江鰾丸

治破傷風傳入裏症驚而發搐臟腑秘澀

江鯁

剉炒
半兩

野鴿糞

炒半
兩

雄黃

一錢

白殭蠶

半兩

蜈蚣

一對

天麻

一兩

右為末作三分二分燒飯丸桐子大硃砂為衣一分
入巴豆霜一錢亦用燒飯丸每服硃砂者二十九入
巴豆者一九漸加至利為度後止服前丸

養血當歸地黃散

當歸 地黃 芍藥 川芎 藁本 防風

白芷

各一兩

細辛

五錢

右依前煎服

廣利方 治破傷風發熱

瓜蒌子

九錢

滑石

三錢五分

南星

蒼朮

赤芍藥

陳皮 炒栢

黃連

黃芩

白芷

甘草

各五分

右薑水煎服

右二方用竹瀝瓜蒌實葦治破傷風熱痰脉洪者

前方用南星半夏草烏川烏葦則治破傷風寒痰脉

無力者

白九子 治一切風痰壅盛手足頑麻或牙關緊急口
眼歪斜半身不遂等症

半夏

七兩
生用

南星

二兩
生用

川烏

去皮臍生
用五錢

右為末用生薑汁調和丸桐子大每服一二十九薑
湯下

本事玉真散 治破傷風及打撲傷損項強口噤欲死
南星有防風製

其毒不麻人

天南星

湯泡
七次

防風等
分

右為末先以童子熱小便洗淨瘡口拭乾摻之良久
渾身作痒瘡口出赤水是效又以溫酒調下一錢如
牙關緊急腰背反張用藥二錢童子小便調服至死
心頭微溫者急灌之亦可救累試累效

治打撲傷損腫痛傷風者

天南星

半夏

地龍

各等分

右為末用生薑薄荷汁調搽患處

薛氏醫案卷十二

欽定四庫全書

子部

薛氏醫案卷十三

詳校官太醫院醫士臣趙正池

編修臣倉聖脈覆勘

總校官原任中允臣王燕緒

校對官修撰臣吳錫齡

謄錄監生臣馮萬程

欽定四庫全書

薛氏醫案卷十三

明薛己撰

外科樞要一

論瘡瘍二十六脉所主

浮脉之診浮於指下按之不足舉之有餘再再尋之狀如太過瞽瞍然見於皮毛間其主表症或為風或為虛浮而大散者心也浮而短濇者肺也浮而數者熱也而

反惡寒者瘡疽之謂也洪脉之診似浮而大按舉之則泛泛然滿三部其狀如水之洪流波之湧起其主血實積熱瘡腫論曰脉洪大者瘡疽之病進也如瘡疽結膿未成者宜下之膿潰之後脉見洪大則難治若自利者不可救也

滑脉之診實大相兼往來流利如珠按之則累累然滑也其主或為熱或為虛此陽脉也瘡疽之病濃未潰者宜內消也膿潰之後宜托裏也所謂始為熱終為虛也

數脉之診按之則呼吸之間動及六至其狀似滑而數也若浮而數則表熱沉而數則裏熱也又曰諸數為熱仲景云脉數不時見則生惡瘡也又云肺脉俱數則生瘡也診諸瘡洪數者裏欲有膿結也

散脉之診似浮而散按之則散而欲去舉之則大而無力主氣實而血虛有表無裏瘡腫膿潰之後而煩痛尚未痊退診其脉洪滑粗散者難治以其正氣虛邪氣實也又曰肢體沉重肺脉大則斃謂浮散者也

長脉之診按之則洪大而長出於本位其主陽氣有餘也傷寒得之欲汗出自解也長而緩者胃脉也百病皆愈謂之長者則易治也

芤脉之診似浮而輒按之中央空兩邊實其主血虛或為失血瘡腫之病診得芤脈膿潰後易治以其脉病相應故也

牢脉之診按之則實而弦且沉且浮而有牢堅之意若瘰癧結腫診得牢脉者不可內消也

實脉之診按舉有力而類結曰實經曰邪氣勝則實久
病虛人得此最忌瘡疽之人得此宜急下之以其邪氣
與臟腑俱實故也

弦脉之診按之則緊而弦其似緊者為弦如按弦而不
移緊如內繩而轉動以此為異春脉浮弦而平不時見
則為飲為痛主寒主虛瘡疽論曰內寒外熱欲發瘡疽
也

緊脉之診似弦而緊按之如切繩而轉動其主切痛積

癖凡瘡腫得之氣血沉滯也亦主痛也瀉脉之診按之則散而復來舉之則細而不足脉瀉則氣瀉也亦主血虛瘡腫潰後得之無妨也

短脉之診按舉則不及本位內經曰短則氣病以其無胃氣也諸病脉短者皆難治瘡腫脉短真氣短也

細脉之診按之則縈縈如珠絲而欲絕舉之如無而似有細而微其主亡陽衰也瘡腫之病脉來細而沉時值者裏虛而欲變症也

微脉之診按之則軟小而極微其主虛也真氣後者生邪氣勝者危瘡腫潰後脉微而勻舉自瘥也

遲脉之診按舉來遲呼吸定息方得三至其狀似闕而稍遲痼疾得之則善新疾得之則止氣虛憊瘡腫得之潰後自瘥

緩脉之診按之似遲而稍駛於遲仲景云陽脉浮大而濡陰脉浮大而濇陰陽同等謂之長緩脉見長緩百疾自瘳凡瘡腫潰後其脉濇遲緩者易愈以其脉病相應

是有胃氣也

沉脉之診舉之不足按之方見如爛綿其主邪氣在臟也水氣得之則逆此陰脉也瘡腫得之邪氣深也

伏脉之診比沉不同伏于筋下推筋而後見與沉相類而邪氣益深矣

虛脉之診按之不足極大而軟輕舉指下豁然而空經曰脉虛則血虛血虛生寒陽氣不足也瘡腫脉虛宜托裏和氣養血也

軟脉之診按之則如帛在水中極軟而沉細亦謂之軟
其主胃氣弱瘡腫得之宜補虛排膿托裏

弱脉之診似軟而極微來微而似有仲景云微弱之脉
綿綿如瀉漆之絕其主血氣俱虛形精不足大抵瘡家
沉遲濡弱皆宜托裏

促脉之診按之則去數來時一止而復來仲景云陽盛
則促主熱蓄於裏也下之則和瘡腫脉促亦宜下之

結脉之診按之則往來遲緩時一止而復來仲景云陰

盛則結經曰促結則生代則死

代脉之診其止有常數而不忒如十動一止雖數十次皆見於十動之後如二十動一止雖數十次皆見於二十動之後代者氣衰也諸病見之不祥凡瘡腫之病脉促結者難治而况見代脉乎

動脉之診見於關上無頭尾如豆大厥厥然而動搖者是也脉經曰陰陽相搏故謂之動動于陽則陽氣虛而發厥動于陰則陰氣虛而發熱是陽生于尺而動于寸

陰生於寸而動於尺不可不辨也

謹按脉者人生之造化病機之外見醫家之準繩不可不精究而熟察至於太谿衝陽又為診法之要生死之機也故十二經脉皆係於生氣是氣者人之根本寸口脉平而死者生氣獨絕於內也難經云上部有脉下部無脉其人當吐不吐者死上部無脉下部有脉雖困無能為害是脉有根本人有元氣也夫人之受氣於穀乃傳於臟腑清者為榮濁者為衛榮行

脉中衛行脉外陰陽相貫如環無端周流一身晝夜各有常度其不相應者病也病至於甚脉道乃乖抑嘗治雀啄屋漏之類若因藥餌尅伐所致急用參芪歸朮薑附之劑多有復生者不可遂棄而不治也

論瘡瘍五善七惡主治

瘡瘍之症有五善有七惡五善見三則瘡七惡見四則危夫善者動息自寧飲食知味便利調勻膿潰腫消水鮮不臭神彩精明語聲清朗體氣和平是也此屬腑症

病微邪淺更能慎起居節飲食勿藥自愈惡者乃五臟
虧損之症多因元氣虛弱或因膿水出多氣血虧損或
因汗下失宜禁衛消燂或因寒涼尅伐氣血不足或因
峻厲之劑胃氣受傷以致真氣虛而邪氣實外似有餘
而內實不足法當純補胃氣多有可生不可因其惡遂
棄而不治若大渴發熱或泄瀉淋閉者邪火內淫一惡
也竹葉黃芪湯氣血俱虛八珍湯加黃芪麥門五味山
茱萸如不應佐以加減八味丸煎服膿血既泄腫痛尤

甚膿色敗臭者胃氣虛而火盛二惡也人參黃芪湯如
不應用十全大補湯加麥門五味目視不正黑睛緊小
白睛青赤瞳子上視者肝腎陰虛而目系急三惡也六
味丸料加炒山梔麥門五味如不應用八珍湯加炒山
梔麥門五味喘粗短氣恍惚嗜卧者脾肺虛火四惡也
六君加大棗生薑如不應用補中益氣湯加麥門五味
心火刑剋肺金人參平肺散陰火傷肺六味丸加五味
子煎服肩背不便四肢沉重者脾腎虧損五惡也補中

益氣湯加山茱萸山藥五味如不應用十全大補湯加
山茱萸山藥五味不能下食服藥而嘔食不知味者胃
氣虛弱六惡也六君子湯加木香砂仁如不應急加附
子聲嘶色敗唇鼻青赤面目四肢浮腫者脾肺俱虛七
惡也補中益氣湯加大棗生薑如不應用六君子湯加
炮薑更不應急加附子或用十全大補湯加附子炮薑
腹痛泄瀉咳逆昏憤者陽氣虛寒氣內淫之惡症也急
用托裏溫中湯後用六君子湯加附子或加薑桂溫補

此七惡之治法也此外更有潰後發熱惡寒作渴或怔忡驚悸寤寐不寧牙關緊急或頭目赤痛自汗盜汗寒戰咬牙手撒身熱脉洪大按之如無或身熱惡衣欲投於水其脉浮大按之微細衣厚仍寒此血氣虛極傳變之惡症也若手足逆冷肚腹疼痛泄利腸鳴飲食不入吃逆嘔吐此陽氣虛寒氣所乘之惡症也若有汗而不惡寒或無汗而惡寒口噤足冷腰背反張頸項勁強此血氣虛極變痙之惡症也急用參芪歸朮附子救之間

有可生者大抵虛中見惡症者難治實症無惡候者易治宋時齊院令雖嘗纂其狀而未具其因皇明陶節菴雖各立一方亦簡而未悉予故補其缺云

論瘡瘍當明本末虛實

瘡瘍之作皆由膏粱厚味醇酒炙煇房勞過度七情鬱火陰虛陽痿精虛氣節命門火衰不能生土榮衛虛弱外邪所襲氣血受傷而為患當審其經絡受證標本緩急以治之若病急而元氣實者先治其標病緩而元氣

虛者先治其本或病急而元氣又虛者必先治其本而兼以治標大要腫高骨痛膿水稠粘者元氣未損也治之則易漫腫微痛膿水清稀者元氣虛弱也治之則難不腫不痛或漫腫黯黑不潰者元氣虛甚治之尤難者也主治之法若腫高焮痛者先用仙方活命飲解之後用托裏消毒散漫腫微痛者用托裏散如不應加薑桂若膿出而反痛氣血虛也八珍散不作膿不腐潰陽氣虛也四君加歸芪肉桂不生肌不收斂脾氣虛也四君

加芍藥木香惡寒憎寒陽氣虛也十全大補加薑桂
熱內熱陰血虛也四物加參朮欲嘔作嘔胃氣虛也六
君加炮薑自汗盜汗五臟虛也六味丸料加五味子食
少體倦脾氣虛也補中益氣加茯苓半夏喘促咳嗽脾
肺虛也前湯加麥門五味欲嘔少食脾胃虛也人參理
中湯腹痛泄瀉脾胃虛寒也附子理中湯小腹痞足脛
腫脾腎虛也十全大補湯加山茱山藥肉桂泄瀉足冷
脾腎虛寒也前藥加桂附熱渴淋秘腎虛陰火也加減

八味丸喘嗽淋秘肺腎虛火也補中益氣湯加減八味丸大凡怯弱之人不必分其腫潰惟當先補胃氣或疑參芪滿中間有用者又加發散敗毒所補不償所損又有泥於氣質素實或有痰不服補劑者多致有誤殊不知瘡瘍之作緣陰陽虧損其膿既泄氣血愈虛豈有不宜補者哉故丹溪先生云但見腫痛叅之脉症虛弱便與滋補氣血無虧可保終吉

論瘡瘍用針宜禁

瘡瘍之症毒氣已成者宜用托裡以速其膿膿成者當
驗其生熟深淺而針之若腫高而軟者發於血脉腫下
而堅者發於筋脉肉色不變者附於骨也小按便痛者
膿淺也大按方痛者膿深也按之而不復起者膿未成
也按之而復起者膿已成也膿生而用針氣血既泄膿
反難成若膿熟而不針腐潰益深瘡口難斂若瘡深而
針淺內膿不出外血反泄若瘡淺而針深內膿雖出良
肉受傷若元氣虛弱必先補而後針其膿一出諸症自

退若膿出而反痛或煩躁嘔逆皆由胃氣虧損宜急補之若背瘡熱毒熾盛中央肉黯內用托裏壯其脾胃外用烏金膏塗於黯處其赤處漸高黯處漸低至六七日間赤黯之界自有裂紋如刀劃然黯肉漸潰矣當用鉗針利剪徐徐去之須使不知疼痛不見鮮血為妙雖有裂紋膿未流利及膿水雖出而仍痛此皆未通於內竝用針於紋中引之患於背脾之間肉腐膿出腫痛仍作此內有毒筋間膈膿未通耳尤宜引之若元氣虛弱誤

服尅伐患處不痛或肉將死急溫補脾胃宜有生者後
須純補之藥庶可收斂若妄用刀針去肉出血則氣無
所依附氣血愈虛元氣愈傷矣何以生肌收斂乎

論瘡瘍作嘔欲嘔

瘡瘍作嘔不可泥於毒氣內攻而槩用敗毒等藥如熱
甚焮痛邪氣竇也仙方活命飲解之作膿焮痛胃氣虛
也托裏消毒散補之膿熟脹痛氣血虛也先用托裏散
後用針以泄之焮痛便秘熱蘊於內也內疏黃連湯導

之若因寒藥傷胃而嘔者托裏健中湯胃寒少食而嘔者托裏益中湯中虛寒淫而嘔者托裏溫中湯肝木乘脾土而嘔者托裏益清湯胃脘停痰而嘔者托裏清中湯脾虛自病而嘔者托裏益黃湯鬱結傷脾而嘔者托裏越鞠湯若不詳究其源而妄用攻毒之藥則瘡者不能潰潰者不能斂矣丹溪雖曰腫脹時嘔當作毒氣攻心治之潰脹時嘔當作陰虛補之殊不知此大槩言之耳即內經諸痛癢瘡皆屬心火之意况今之熱毒內攻

而嘔者寡脾內虛寒而嘔者多豈可執前聖之言而藥
今人之病歟

治驗

進士張德泓背疽微腫微赤飲食少思余用六君等藥
膿成而潰再用大補陽氣之類肉生而斂忽寒熱作嘔
患處作腫候其脉浮大鼓指按之若無形氣殊倦余謂
之曰此胃氣虛憊非瘡毒也彼云果因侵晨登廁聞穢
氣始作信夫先生胃氣之說也用補托而斂

一男子腹患癰腫硬不潰乃陽氣虛弱嘔吐少食乃胃氣虛寒法當溫補脾胃假如腫赤痛甚煩躁脉實而嘔為有餘當下之腫硬不潰脉弱而嘔為不足當補之若痛傷胃氣或感寒邪穢氣而嘔者雖腫脹猶當助胃壯氣彼不信仍服攻伐藥而果歿

論瘡瘍用汗下藥

仲景先生治傷寒有汗吐下三法東垣先生治瘡瘍有疏通托裏和榮衛三法用之得宜厥疾瘳矣假如瘡瘍

瘰癧木悶煩熱便秘脈沉而實其邪在內當先疏其內
以下之焮瘰作痛便利調和脈浮而洪其邪在表當先
托其裏以汗之元成云榮衛充滿抑遏而為癰者當泄
之以奪盛熱之氣榮衛虛弱壅滯而為癰者當補之以
接虛怯之氣又東垣先生云瘡瘍雖面赤伏熱不得攻
裏裏虛則下利仲景先生云瘡家雖身體疼痛不可發
汗汗之則發瘰苟不詳審妄為汗下以致血氣虧損毒
反延陷少壯者難以潰斂老弱者多致不救

治驗

給事錢南郭腹患癰已成余用托裏之藥漸起發彼惑於衆論用行氣破血以圖內銷形體甚勘飲食益少患處頓陷色黯堅硬按之不痛余用大補之劑色赤腫起膿熟針之再用托裏腫硬漸消而愈

一男子腹內作痛腹外微腫或用藥汗之外無形色脉數無力此元氣虧損毒不能外起遂與參芪歸朮之類數劑漸發於外又數劑膿成而欲針之惑於人言用大

黃白芷穿山甲之類引膿從便出以致水瀉不止患處
平陷自汗盜汗發熱作渴不食仍用前藥加半夏陳皮
薑桂四劑形氣漸復又數劑針去其膿仍用補劑喜年
幼未婚而痊

論瘡瘍圍寒涼之藥

內經云五臟不和九竅不通六腑不和留結為癰又云
形傷痛氣傷腫此則臟腑不和瘡發於外也明矣塗貼
寒涼豈能調和臟腑宣通氣血耶設使癰痛熱渴脉滑

數而有力屬純陽宜內用濟陰丹外用益陽散則熱毒
自解瘀滯自散若似癰非癰似痛非痛似潰不潰似赤
不赤脉洪數而無力屬半陽半陰宜內用沖和湯外用
陰陽散則氣血自和瘀滯自消若微癰微痛或色黯不
痛或堅硬不潰脉洪大按之微細軟弱屬純陰宜內服
回陽湯外敷抑陰散則脾胃自健陽氣自回丹溪先生
云敷貼之劑應酬輕小熱症耳若不辨其陰症陽症之
所由分而妄敷寒涼之劑迷塞腠理凝滯氣血毒反內

攻而肉反死矣况運氣得寒而不健瘀血得寒而不散
瘀肉得寒而不潰新肉得寒而不生治者審焉

治驗

閻老翟石門子耳下作痛內服外敷皆寒涼敗毒更加
瘰癧項間瘰癧硬肉色如故內焮連胸余適考滿到京邀
視之雖瘰癧堅而脉滑數此膿內潰也雖足三陽熱毒之
症為寒涼凝結不能外潰先用六君子補中益氣各二
劑調補脾胃升發陽氣患處赤軟針出瘀膿甚多仍服

至數劑而愈

秋官李北山腿患癰內外用敗毒寒涼因痛極刺出膿
瘀方知為癰瘡口開張肉紫冷陷外無腫勢此陽氣虛
寒而不能收斂用豆豉餅六君子加藿香砂仁炮薑飲
食進而患處煖再以十全大補湯元氣復而瘡口愈
一男子腿腫一塊經年不消飲食少思強食則脹或作
瀉日漸消瘦兩尺脈微細此命門火衰不能生土以致
脾胃虛寒以八味丸治之飲食漸進腫患亦消

論瘡瘍泥用定痛散

瘡瘍之作由六淫七情所傷其痛也因氣血凝滯所致
假如熱毒在內便秘而作痛者內踈黃連湯導之熱毒
熾盛焮腫而作痛者黃連解毒散治之不應仙方活命
飲解之瘀血凝滯而作痛者乳香定痛散和之作膿而
痛者托裏消毒散排之膿脹而痛者針之膿潰而痛者
補之若因氣虛而痛四君加歸芪血虛而痛四物加參
芪腎虛而痛六味地黃丸口乾作渴小便頻數者加減

八味丸此皆止痛之法也丹溪先生云膿出而反痛此為虛也宜補之穢氣所觸者和解之風寒所逼者溫散之若泥用乳沒斯執方矣

治驗

鴻臚蘇龍溪小腹內腫脹作痛大小便秘結作渴飲冷脉洪數而實用黃連解毒二劑腫痛頓止二便調和用活命飲而全愈

一儒者臀患癰腫焮痛甚用活命飲隔蒜灸而消後因

飲食勞倦腫痛惡寒發熱頭疼用補中益氣湯頻用葱熨法兩月餘而消

一婦人脇下作痛色赤寒熱用小柴胡湯加山梔川芎以清肝火而愈但經行之後患處作痛用八珍湯以補氣血而安若肝膽二經血燥氣逆所致當用小柴胡湯加山梔膽草芎歸主之若久而脾胃虛弱用補中益氣為主若兼氣鬱傷脾而患間以歸脾湯若朝涼暮熱飲食少思當以逍遙散為主

論瘡瘍用生肌之藥

夫肌肉者脾胃之所主收斂者氣血之所使但當純補脾胃不宜泛敷生肌之劑夫瘡不生肌而色赤甚者血熱也四物加山梔連翹色白而無神者氣虛也四君加當歸黃芪補熱內熱陰血虛也四物加參朮膿水清稀者氣血虛也十全大補湯食少體倦脾氣虛也補中益氣湯煩熱作渴飲食如常胃火也竹葉黃芪湯不應竹葉石膏湯熱渴而小便頻數腎水虛也用加減八味丸

料煎服若敗肉去後新肉微赤四沿白膜者此胃中生
氣也但用四君子湯以培補之則不日而斂若妄用生
肌之藥餘毒未盡而反益甚耳殊不知瘡瘍之作由胃
氣不調瘡瘍之潰由胃氣腐化瘡瘍之斂由胃氣榮養
東垣先生云胃乃生發之源為人身之本丹溪先生亦
謂治瘡瘍當助胃壯氣使根本堅固誠哉是言也可不
慎哉

治驗

銀臺鄭敬齋腿患癰瘡口不斂余考績到京請治者皆用十宣散之類云旬日收斂至今未應何也余診其脉浮大按之微細此因脾氣虛弱遂用補中益氣加茯苓半夏壯其脾胃不數日而瘡斂矣

崑庠王子大背患疽年餘瘡口少許不斂色黯陷下面色痿黃形氣怯弱脉浮緩而澁此脾肺氣虛也用十全大補湯加附子少許數劑而元氣漸復却去附子又三十餘劑全愈而領鄉薦

論瘡瘍去腐肉

瘡瘍之症膿成者當辨其生熟淺深肉死者當驗其腐潰連脫丹溪先生云癰疽因積毒在臟腑當先助胃壯氣為主使根本堅固而行經活血佐之令其內消余嘗治脉症虛弱者用托裏之藥則氣血壯而肉不死脉證實熱者用清熱之劑則毒氣退而肉自生凡瘡聚於筋骨之間肌肉之內皆因血氣虛弱用十全大補湯壯其脾胃則未成自散已成自潰又何死肉之有若不大痛

或木痛或不赤或內膿不潰或外肉不腐乃氣血虛弱
宜用桑枝灸及十全大補加薑桂壯其陽氣則四畔即
消瘡頭即腐其毒自解又何待於針割若脾胃虛弱飲
食少思用六君倍加白朮壯其榮氣則肌肉受毒者自
活已死者自潰已潰者自斂若初起或因尅伐或犯房
事以致色黯而不痛者乃陽氣脫陷變為陰症急用參
附湯溫補回陽亦有可生

治驗

吳岸史邦直之內仲夏患背疽死肉不潰發熱痛甚作嘔少食口乾飲湯脉洪大按之如無此內真寒而外假熱當捨時從症先用六君加炮薑肉桂四劑飲食頓進諸症頓退復用十全大補湯仍加薑桂之類五十餘劑而死肉潰又五十餘劑而新肉生斯人氣血充盛而瘡易起易斂使醫者逆知預為托裏必無此患

論瘡瘍未潰用敗毒之藥

瘡瘍之症當察經之傳受病之表裏人之虛實而攻補

之假如腫痛熱渴大便秘結者邪在內也疏通之腫焮作痛寒熱頭疼者邪在表也發散之焮腫痛甚者邪在經絡也和解之微腫微痛而不作膿者氣血虛也補托之漫腫不痛或不作膿或膿成不潰者氣血虛甚也峻補之色黯而微腫痛或膿成不出或腐肉不潰者陽氣虛寒也溫補之若泥其未潰而槩用敗毒復損脾胃不惟腫者不能成膿而潰者亦難收斂七惡之症蜂起多致不救丹溪先生云腫瘍內外皆壅宜以托裏表散為

主如欲用大黃寧無孟浪之非潰瘍內外皆虛宜以托裏補接為主如欲用香散未免虛虛之失治者審之

治驗

一男子不慎房勞背胛腫高三寸許濶徑尺餘自汗盜汗內熱發熱口乾飲湯脉浮大按之弱瀉此精虛氣節為患用十全大補加五味麥門山茱山藥四劑諸症悉退因余他往別用流氣飲一劑虛症悉具腫硬如石余仍以前藥六劑而愈

一儒者背腫一塊按之則軟肉色如故飲食如常勞則吐痰體倦此脾氣虛而痰滯用補中益氣加茯苓半夏少加羌活外用陰陽散以薑汁調搽而消後因勞頭暈作嘔仍以前藥去羌活加生薑蔓荊子而愈

崑庠馬進伯母左脾連脇作痛遣人索治余意此鬱怒傷肝脾用六君加桔梗枳殼柴胡升麻彼別用瘡藥益甚始請治其脉右關弦長按之軟弱左關弦洪按之瀉滯乃脾土不及肝木太過因飲食之毒七情之火也遂

用前藥四劑脉症悉退再加芎歸全愈此等症誤用敗毒行氣破血導痰以致不起者多矣

論瘡瘍用針勿忌尻神

針灸之法有太乙人神周身血忌逐年尻神逐日人神而其次有禁針禁灸之論犯之者其病難瘳理固然也但瘡瘍氣血已傷肌肉已壞宜迎而奪之順而取之非平人針灸之比何忌之有外科精義云瘡瘍之症毒氣無從而解膿瘀無從而泄反攻於內內既消敗欲望其

生豈可得乎危惡之發於致命之所禍在反掌腹癰囊
癰二便不通胸腹脹悶唇疔喉痺咽喉壅塞其禍尤速
患者審之

論瘡瘍陽氣脫陷

瘡瘍陽氣脫陷或因尅伐之劑或因膿血大泄或因吐
瀉之後或因誤而入房若發熱頭痛小便淋瀝或滑數
便血目赤煩喘自汗發熱氣短頭暈體倦熱渴意欲飲
水投水惡寒憎寒身熱惡衣揚手擲足汗出如水腰背

反張鄭聲不絕此無根虛火之假熱症若畏寒頭痛咳
逆嘔吐耳曠目矇小便遺難瀉利腸鳴裏急腹痛五莖
短縮冷汗時出齒牙浮痛肢體麻痺或厥冷身痛或咬
舌啣唇舌根強硬此陽氣脫陷之真寒症皆勿論其脉
勿論其瘡但見一二急用參附湯補之多有復生者大
凡潰後勞役元氣虧損或夢遺精脫或滑數便血或外
邪乘之或誤用寒涼氣血脫陷而致斯症治以前藥亦
有復生者

治驗

內翰楊臯湖孟夏患背疽服尅伐之劑二旬餘矣漫腫
堅硬重如負石隔蒜灸五十餘壯背遂輕以六君加砂
仁二劑涎沫涌出飲食愈少此脾虛陽氣脫陷劑用溫
補反嘔不食仍用前藥作大劑加附子薑桂又不應遂
以參芪各一斤歸朮陳皮各半斤附子一兩煎服三日
而盡流涎頓止腐肉頓潰飲食頓進再用薑桂等藥托
裏健脾腐脫而瘡愈矣

少叅史南湖之內夏患疽不起發脉大而無力發熱作渴自汗盜汗用參芪大補之劑益加手足逆冷大便不寬喘促時嘔脉微細按之如無惟太衝不絕仍以參芪白朮當歸陳皮茯苓計斤許加附子五錢水煎二鍾作一服諸症頓退脉息頓復翌日瘡起而潰仍用前藥四劑後日用托裏藥調理兩月餘而消

遜婦卧床十三年矣嘉靖癸卯遭回祿益加憂鬱甲辰三月右肩下發一塊焮腫如甌中赤外白先用涼藥一

劑不解次用十宣散四劑加痛略紅迎徐南樓視之連
投參芪丁桂防止之劑膿潰徐云無恙矣辭後眩暈嘔
逆惡寒戰慄頂陷膿清偶檢翁外科發揮至發背門云
若初起一頭如黍不腫不赤煩躁便秘四五日間生頭
不計其數瘡口各如含一粟名曰蓮房發云云始駭為
惡症治法雖詳不諳於行迎翁至診云辛涼解散氣血
兩虛者忌之連投參芪歸木地黃薑附大劑腫高膿稠
兼經烏金膏數日果腐落筋如脂膜者數片人參每服

加至八錢日進二服逾兩月平復立齋翁術之淵微他
醫孰能知之病婦非翁必誤入鬼錄矣謹附此以告後
人毋為時醫之誤當知翁術之奇布在方冊德澤普濟
與天地全悠久矣晚生陳遜頓首識

論瘡瘍發熱煩躁

瘡瘍發熱煩躁或出血過多或潰膿大泄或汗多亡陽
或下多亡陰以致陰血耗散陽無所依浮散於肌表之
間而非火也若發熱無寐血虛也用聖愈湯兼汗不止

氣虛也急用獨參湯發熱煩躁肉瞤筋惕氣血虛也用
八珍湯大渴而赤脉洪大而虛陰虛發熱也用當歸補
血湯肢體微熱煩躁面赤脉沉而微陰盛發躁也用四
君加薑附東垣云晝發熱而夜安靜是陽氣自旺於陽
分也晝安靜而夜發熱是陽氣下陷於陰中也如晝夜
俱發熱者重陽無陰也當峻補其陰故王太僕云如大
寒而甚熱之不熱是無火也當治其心如大熱而甚寒
之不寒是無水也熱動復止倏忽往來時動時止是無

水也當助其腎故心盛則生熱腎盛則生寒腎虛則寒動於中心虛則熱收於內又熱不勝寒是無火也寒不勝熱是無水也夫寒之不寒責其無水熱之不熱責其無火熱之不久責心之虛寒之不久責腎之弱治者當深味之

治驗

操江都憲伍松月背瘡愈後大熱誤為熱火用苦寒藥一鍾寒熱益甚欲冷水浴身脉浮大按之全無余曰此

陽氣虛浮於肌表無根之火也急用六君子加附子一劑而愈

春元沈霓川之內暑月面生瘰癧乘涼入風面目浮腫越二日左臂腫痛癢疹如丹背脇髀股等處發腫塊三四肉色不紅痛甚晝夜號呼寒熱往來飲食不思服活命飲及行氣敗毒之劑其勢愈熾肝脉浮濡脾脉弦弱此屬二經滯氣不從風邪乘虛流注經絡為患先以八珍加黃芪柴胡青皮數劑腫處漸漸紅腫又以十全大

補加金銀花白芷龍胆草貝母十餘劑脇腿二處潰濃
碗許餘塊漸平仍服十全大補湯調理月餘而安向使
專於祛風攻毒鮮不敗事矣

一儒者患流注發熱作渴頭痛自汗脉洪大按之無力
此氣血虛寒也用十全大補加麥門五味治之其症益
甚仍用前藥加附子一錢四劑諸症悉退却去附子加
肉桂二十餘劑氣血漸復又因勞心發熱惡寒飲食減
少此脾胃復傷元氣下陷用補中益氣加附子一錢二

劑熱止食進仍用大補元氣而安後因考試不利懷抱
不舒更兼勞役飲食日少形氣日衰吐痰作渴頭痛惡
寒或熱來復去或不時而動仍用補中益氣數劑諸症
漸愈元氣漸復乃去附子再加肉桂五分百餘劑而愈
一男子背瘡不斂小便赤澁脅腫發熱口乾體倦脉洪
數而無力用參芪歸朮熟地芍芍陳皮麥門五味炙草
肉桂以補元氣引火歸經脉症益甚此藥力未能及也
再劑頓退却去肉桂又數劑而愈此症因前失補元氣

故耳

論瘡瘍輕症用重劑

人生氣血有虛實瘡瘍所發有輕重治療之法有攻補
元戎云若人氣血壅盛榮衛充滿抑遏不行腐化而為
癰者當泄之以奪盛熱之氣若人飲食少思精神衰弱
榮衛短濇寒搏而為癰者當補之以接虛怯之氣丹溪
先生云瘡瘍內外皆虛宜以補接行散為主大抵用藥
之法如執權衡當察病勢輕重邪畜表裡瘡毒腫潰元

氣虛實若不詳究其因率爾投治實實虛虛七惡之禍不能免矣治者審之

治驗

吳庠盛原博掌後患疔紅絲至腕惡寒發熱勢屬表症與奪命丹一服紅絲頓消又用和解之劑大勢已退彼別服敗毒藥發熱口乾紅絲仍見脉浮大而虛此氣血受傷而然以補中益氣湯主之而愈蓋奪命敗毒性尤猛烈瘡邪已散而復用之是誅伐太過失內經之旨矣

一儒者元氣素弱余補其氣血出膿而愈後因勞役瘡痕作癢乃別服敗毒藥一劑以致口噤舌強手足搖擗痰涎上涌自汗不止此氣血傷而發瘰也用十全大補加附子一錢灌服而甦一男子患疔服奪命丹汗不止而瘡不痛熱不止而便不利此汗多亡陽毒氣盛而真氣傷矣用參芪歸朮芍藥防風五味二劑諸症悉愈惟以小便利為憂余曰汗出不宜利小便汗既止陽氣復而自利矣仍用前藥去防風加麥門倍用當歸黃芪

四劑便行瘡潰而愈

論瘡瘍當捨時從症

經云諸痛痒瘡瘍皆屬心火若腫赤煩躁發熱引冷便秘作渴脉洪數實是其常也雖在嚴寒之時必用大苦寒之劑以瀉熱毒若脉細皮寒瀉利腸鳴飲食不入嘔吐無時手足逆冷是變常也雖在盛夏之時必用大辛溫之劑以助陽氣內經曰用寒遠寒用熱遠熱有假者反之雖違其時必從其症

論瘡瘍大便秘結

東垣先生云瘡瘍熱毒深固嘔噦心逆發熱而煩脉沉而實瘡硬木悶大便秘結此毒在臟宜疎通之故曰疎通其內以絕其源又曰瘡瘍及諸病面赤雖伏火熱不得妄攻其裏而陽氣拂鬱邪氣在經宜發表以去之故曰火鬱則發之凡大便不通者乃直腸乾涸也宜用猪膽汁導之若腸胃氣虛血涸而不通者宜用十全大補湯培養之若瘡症屬陽或因入房傷腎而不通者宜用

前湯加薑附回陽多有得生者經云腎開竅於二陰藏精於腎津液潤則大便如常若潰瘍有此因氣血虧損腸胃乾涸當大補為善設若不審虛實而一於疏利者鮮有不誤

治驗

舍親居賓鷗仲夏患發背黯腫尺餘皆有小頭如鋪黍狀四日矣此真氣虛而邪氣實遂隔蒜灸服活命飲二劑其邪頓退乃純補其真又將生脉散以代茶飲瘡邪

大退余因他往三日復視之飲食不入中央肉死大便
秘結小便赤濁余曰中央肉死毒氣盛而脾氣虛也大
便不通腸虛而不能傳送小便赤濁脾虛而火下陷治
亦難矣彼始云莫非間斷補藥之過予曰然乃急用六
君子加當歸柴胡升麻飲食漸進大便自通外用烏金
膏塗中央三寸許四圍紅腫漸消中央黑腐漸去乃敷
當歸膏用地黃丸與前藥間服將百劑而愈

一男子腿患癱因服尅伐虧損元氣不能成膿余為托

裏而潰大補而斂但大便結燥用十全大補湯加麥門
五味而潤月餘仍結惑於人言乃服潤腸丸而瀉不止
余用補中益氣送四神丸數服而止

論瘡瘍大便瀉痢

瘡瘍大便泄瀉或因寒涼尅伐脾氣虧損或因脾氣虛
弱食不尅化或因脾虛下陷不能升舉或因命門火衰
不能生土或因腎經虛弱不能禁止或因脾腎虛寒不
能司職所主之法若寒涼傷脾用六君加木香砂仁送

二神丸脾虛下陷用補中益氣送二神丸命門火衰用
八味丸料送四神丸腎虛不禁用薑附湯加吳茱萸五
味脾腎虛寒用參附湯送四神丸病機云脉沉而細身
不動作睛不瞭瞭飲食不下鼻準氣息者薑附湯主之
身重四肢不舉者參附湯主之仲景先生云下痢腸鳴
當溫之脉遲緊痛未止當溫之大孔痛當溫之心痛當
救裏可與理中附子四逆輩精要云癰疽嘔瀉腎脉虛
者不治此發內經之微旨也凡此實難治之症如按前

法治之多有可生者

治驗

御醫王彭峯之內年踰四十背疽不起發泄瀉作嘔食少厥逆脉息如無屬陽氣虛寒用大補劑加附子薑桂不應再加附子二劑瀉愈甚更以大附子薑桂各三錢參芪歸朮各五錢作一劑腹內始熱嘔瀉乃止手足漸溫脉息遂復更用大補而潰再用托裏而斂十年後仍患脾胃虛寒而歿

論瘡瘍小便淋漓頻數不利

瘡瘍小便淋漓頻數或莖中澀者腎經虧損之惡症也
宜用加減八味丸以補陰足脛逆冷者宜用八味丸以
補陽若小便頻而黃者宜用四物湯加參朮麥門五味
以滋肺腎若小便短而少者宜用補中益氣加山藥麥
門五味以補脾肺若熱結膀胱而不利者宜用五淋散
以清熱若脾氣燥而不能化者宜用黃芩清肺飲以滋
陰若膀胱陰虛陽無以生者宜用六味丸若膀胱陽虛

陰無以化者宜用滋腎丸腎虛之患多傳此症非滋化源不救若用黃柏知母反瀉其陽以速其危若老人陰痿思色精內敗莖中痛而不利者用加減八味丸加車前牛膝不應更加附子多有復生者若精已竭而復耗之大小便中牽痛愈痛則愈便愈便則愈牽痛以前藥加附子亦有復生者王太僕云無陰則陽無以化無陽則陰無以生當滋其化源苟專用淡滲復損真陰乃速其危也

治驗

職方王的塘背疽潰後小便淋漓或時自遺作渴引飲
煩熱不寐瘡口焮赤時或如灼時或似遺余曰此腎虛
之惡症用加減八味丸加麥門數劑而痊

太守朱陽山患背疽漫腫色黯微痛作渴瘡頭數十左
尺洪數按之有力此腎虛之症先用活命飲二劑以殺
其毒午前以參芪歸朮之類壯氣血午後以加減八味
丸料固腎氣喜其未用敗毒之藥元氣未損故數日膿

出肉腐而愈

駕部林汝玉冬不衣綿作渴飲冷每自喜壯寶晒余衣
綿診其脉數大無力余曰至火令當求余也三日間果
背熱便秘脉濇用四物加苓連山梔數劑大便稍和却
去苓連加參朮茯苓二十餘劑及前丸半斤許渴減六
七背熱亦退至夏背發一疽純用托裏之劑而斂

封君袁懷雪背疽發熱作渴脉數無用四物加黃栢
知母玄參山梔連翹五味麥門銀花背疽漸退又加白

正參芪腐肉盡潰因停藥且勞熱渴仍作乃以參芪歸
正炙草山藥山茱萸苓澤瀉肉桂而愈又以六味九十
全大補而斂

論瘡瘍作渴

瘡瘍作渴若焮痛發熱便利調和者上焦熱也用竹葉
石膏湯腫痛發熱大便秘澀者內臟熱也用四順清涼
飲焮腫痛甚者熱毒蘊結也用仙方活命飲漫腫微痛
者氣血虛壅也用補中益氣湯若因胃火銷燬而津液

短少者用竹葉黃芪湯若因胃氣虛而不能生津液者
用補中益氣湯若因胃氣傷而內亡津液者用七味白
朮散若因腎水乾涸作渴或口舌乾燥者用加減八味
丸或先口乾作渴小便頻數而後患疽或疽愈後作渴
飲水或舌黃乾硬小便數而疽生者尤其惡也苟能逆
知其因預服加減八味丸補中益氣湯以滋化源可免
是患

論瘡瘍出血

瘡瘍出血因五臟之氣虧損虛火動而錯經妄行也當
求其經審其因而治之若肝熱而血妄行者四物炒梔
丹皮苓朮肝虛而不能藏血者六味地黃丸心虛而不
能生血者四物炒連丹皮苓朮脾虛熱而不能統血者
四君炒梔丹皮若脾經鬱結用歸脾湯加五味子脾肺
氣虛用補中益氣加五味子氣血俱虛用十全大補陰
火動用六味丸加五味子大凡失血過多見煩熱發渴
等症勿論其脉急用獨參湯以補氣經云血生於氣苟

非參芪歸朮甘溫等劑以生心肝之血決不能愈若發熱脉大者不治凡患血症皆當以犀角地黄湯為主

治驗

翰林屠漸山年四十患濕毒瘡疾誤用輕粉之劑虧損元氣久不能愈一日將晡之際診之肝脉忽洪數而有力余曰何肝脉之如此侵晨瘡出黯血三四碗體倦自汗雖甚可畏所喜血黯而脉靜余曰此輕粉之熱血受其毒而妄行輕粉之毒亦得以泄邪氣而真氣虛也當

急用獨參湯主之余重其為人體恤甚篤但惑於他言不果致邪氣連綿不已惜哉

一男子背瘡出血煩躁作渴脉洪大按之如無此血脫發躁用當歸補血湯二劑少愈又以八珍加黃芪山梔數劑全愈

一婦人潰後吐鮮血三碗許余用獨參湯而血止用四君熟地芎歸而瘡愈此血脫補氣陽生陰長之理也若用涼血降火沉陰之劑脾胃生氣復傷不惟血不歸源

而死無疑矣

一老婦手大指患疔為人針破出鮮血手背俱腫半體皆痛神思昏憤五日矣用活命飲始知痛在手瘡勢雖惡不宜大攻再用大補劑又各一劑外用隔蒜灸喜此手背赤腫而出毒水又各一劑赤腫漸潰又用托裏藥而瘥

南儀部賀朝卿陞山西少叅別時余見其唇鼻青黑且時搔背問其故曰有一小瘡耳余與視之果疽也此脾

胃敗壞為不治之症余素與善悲其途次不便殯殮遂
托其僚友張東沙輩強留之勉與大補但出紫血虛極
也或謂毒熾不能為膿乃服攻毒藥一鍾以致嘔逆脉
脫果卒於南都

僉憲張碧崖腰患疽醉而入房脉洪數兩尺更大余辭
不治將發舟其子強留頃間吐臭血五六碗余意此腎
經虛火而血妄行血必從齒縫出將合肉桂等補腎制
火之藥各用罐別煎熟聽用血止拭齒視之果然遂合

一鍾冷服之熱渴頓止少頃溫服一鍾脉細欲脫氣息奄奄得藥則脉少復良久仍脫其子疑內有膿欲刺之余曰必無乃以鵝翎管經內果如余言次日脉脫脚寒至膝腹內如冰急用六君加薑附腹始溫膿始潰瘡口將完彼因侍者皆愛妾又患小便不通此陰已痿而思色以降其精精內敗不出而然耳用加減八味丸料加參芪白朮一劑小便雖愈瘡口不斂而殮

薛氏醫案卷十三